



11134

山房詩鈔



瑞芷山房詩鈔



詩凡四本

光緒元年十有
一月刊於廣陵

序



吾家為京江望族自先贈光祿公以來
世傳儒雅代有閩人科曾祖萊門公
啟歷中外科祖子宜公蜚聲詞館治
行文章同族榮之迨世父桐孫公以經
學才行負盛名大江南北一時稱才子
序

一

焉至如對高祖補堂公尊滿公理臺公
伯曾祖雙溪公孟起公玉溪公松岩公
伯祖次山公唐名公科祖己山公雪農
公世父肅齋公名亭公科父汝舟公或
以文詩名或以經術稱或以性理著累
世有集不自備裸道咸兩朝吾郡兩經


兵燹家藏五集一再為六丁所收。夔元
生也。晚均未及見也。夫數典忘祖。士
人所恥。矧先人之著作。等身為子孫
者。欲求零縑寸楮。而不可得。豈不大可
悲也。耶家大人嘗欲輯吾家先人及
伯封兄弟之詩。都為一集。命變元任
序。

二

其事於是。郵善族人。索以古今體詩。凡
已刻未刻。若干卷。殆不過十之二三。其全
稿。無存者。間見諸京江者。舊集亦寥寥。
每篇什獲。尤謹為編次。益益以家大人
澗鄉未及諸昆弟所作。彙為瑞芝山房
詩鈔八卷。付之梓。人俾後之子孫。知先

人之心血在是且以備當代詩家之採
擇云爾

光緒元年歲次乙亥仲秋之月丹徒戴
燮元和甫書於廣陵之愚齋



序

三

例言

一吾族居京口六百年自我

朝康熙年間遷城後始以科目顯人才輩出著述滋多
變元思欲輯先代文詩梓以行世緣潤城兩經兵燹
族中人遷徙靡常稿多散失茲先輯古今體詩鈔八
卷合五世共二十有五人至古文制藝試帖雜著俟
輯錄成集再行續刊

一是編之輯爲發潛闡幽起見亦數典不敢忘祖之
意也其有全集者摘錄數十首或百首其無全集而
見諸京江耆舊集及由子孫錄送者雖一二首亦必
瑞芝山房詩鈔

例言

登若云選政是操則吾豈敢

一語曰詩言志又曰詩以道性情詩雖小道而其人
之志之性情寓焉自夫人或好新奇或喜流易或誇
堆砌或愛艷麗而本諸性情以言志者蓋鮮是編之
輯雖係一家言皆不失詩人宗旨而無新奇流易堆
砌艷麗之弊識者諒之

一前輩名流選輯詩集或以詩傳人或以人傳詩是
編之輯揚先世之清芬示子孫以世守仍不失以詩
存人以人存詩之意

一尊浦叔高祖春萍集十二卷松巖伯曾祖聽松軒

詩鈔四卷均已刊行小山伯祖客游草十卷已山叔祖露洗春腴館詩鈔一卷雪農叔祖停雲集上下卷桐孫伯三適齋詩草二卷均未刊行是編限於篇幅不能全登辟之窺豹畧見一斑而已

一變元學詩年久著有聽鷗軒詩鈔十六卷諸兄弟亦均有專集是編各採錄若干什續貂之誚所不免耳

一族中能詩者不乏人其有詩稿續經送到者當別錄補遺

一是編之輯助變元蒐輯者家兄字春熙元佐變元

瑞芝山房詩鈔

例言

二

膽錄校對者表仲龔鑄九鼎元仲堅斌何星垣金魁家弟新齋鼎元慕僑惠元例得附書

瑞芝山房詩鈔目錄

卷一

戴縉 詩一首

戴純 詩一百十八首

戴紀 詩一首

卷二

戴錕 詩一首

戴高 詩一首

戴儀和 詩二首

戴天錫 詩七十首

瑞芝山房詩鈔 目錄

卷三

戴巖 詩一首

戴濂 詩一首

戴岑 詩一百二十六首

卷四

戴吧 詩三十六首

戴澤 詩四十三首

卷五

戴森 詩四首

戴守梧 詩一百零八首

卷六

戴蒙

詩六首

戴肇辰

詩二十五首

戴楫

詩十八首

戴樂

詩十七首

戴輝

詩十九首

卷七

戴變元

詩一百二十首

戴調元

詩三首

卷八

瑞芝山房詩鈔

目錄

二

戴賡元

詩二十二首

戴以珣

詩三十九首

戴啟文

詩三十七首

戴惠元

詩四十首

共古今體詩八百五十九首

補遺

戴綺

詩二十首

戴濂

詩十四首

瑞芝山房詩鈔卷一

戴籍

字廣颺號補堂乾隆辛酉拔貢蘇州府大谷縣知縣著聊復草按補堂公著有文集詩集行世兵後遺佚茲於京江耆舊集錄得一首

焦山古鼎

古鼎香銷冷碧煙
摩挲斑剝佛鐙前
篆同石鼓留周褐
寶認汾陰記漢年
山海入圖驚百怪
風雷交護擁諸天
一龕寂寞秋江淨
覆餗當時究枉然

戴純

字渭川號蓴浦乾隆丁卯舉人官浙江鳴鶴場鹽大使著春萍集十二卷蔣士銓金兆燕序袁枚跋京江耆舊集序云明府客都門久熟精選理研鍊極深朱文正翁覃溪學士咸推重之孫濂工詩按蓴浦公嘗游齊魯燕晉間主高平書院講席輯有高平縣志略以詩名鮑海門徵君嘗謂

瑞芝山房詩鈔

卷一

一

人言里中風雅之士以蓴浦為稱首江都符葆森采入國朝正雅集

蓮亭晚坐

柳暗空亭晚
萋萋草色新
烏啼半城月
水漲一池春
詩酒償今日
鶯花病此身
江東暮雲歛
愁絕未歸人

鴛鴦湖上詞

鴛鴦湖心煙雨樓
煙雨時登樓上頭
惟有鴛鴦雙戲水
雨中煙裏不知愁

春夜

歸鴻唳唳夜何其
坐對青鐙續舊詩
春月淡於人靜後
梅花香到酒醒時
書籤藥裏將愁遠
草色波光入夢遲

侵曉柝聲猶未歇可知羈客鬢成絲

秋夜

明月耿良夜移我庭樹陰美人愛清景當戶理瑤琴商
聲隨指發和以空外音未成猗蘭操先傷君子心秋風
吹葉落秋蟬抱葉吟蟬吟聲斷續淚下霑我襟

孤鶴來何所跂足夢未安珠樹不可覓惜哉摧羽翰階
前清露下引吭倍長歎仰視星斗燦天宇何高寒殘月
輝東壁秋風淒夜闌幾時馭王子抗身翔雲端

春雨卽事

一樹鳥爭宿輕寒向晚多花枝禁夜雨客思漲春波江
瑞芝山房詩鈔 卷一 二
上孤舟繫雲中隻雁過蕭然理殘檠今夕夢如何

舍弟綸往信陽缺於執別悵然有作

悵望河梁不及羣水流楓落冷斜曛天中客去梅花發
海上風來雁影分賸有愁腸縈素簡幾將別淚灑寒雲
尋枝烏鵲俱無定薄暮哀聲可忍聞

姚平仲故壘

頽雲壓地晚鴉愁故壘蕭蕭入暮秋風鶴猶疑傳口號
霜烏常爲警更籌將軍一去牙旗捲國運旋移鐵馬休
千載我眉山月白青驄獨跨定來遊

遣悶

骨月音書斷蕭然獨閉關
風吹午夢落日照愁顏
樹古哀蟬噪天空倦鳥還
巡檐無可語早覺鬢毛斑

雁影分何慘魚書望轉空
知添老淚轉恐負春花
草露當秋泣江雲帶日斜
迷離終夜夢幾度是歸家

一紙春辰達侵尋夏已殘
南風偏冉冉明月故團團
自笑清貧慣誰憐心力殫
嬌癡問兒女粗糲可加餐

從笠庵放舟登焦岩

江風吹竹徑春入海門寒
水木疊青靄蛟龍護紫壇
浪高帆影側山老石紋乾
長嘯登舟去煙波正未闌

落梅

瑞芝山房詩鈔

卷一

三

寒香昨夜伴清尊又逐東風護水痕
莫向小樓吹玉笛一簾疏雨易黃昏

晝長人靜學因循水石依稀夢後身
記得孤山明月夜數枝冷落客傷神

小園雜樹綠方滋憐爾紛紛別故枝
本是春光易飄蕩美人何事怨封姨

但教得地寄孤根何必山崖並水村
留取疏枝繞莎徑紫蘭香裏與招魂

多情從古愛春花開便來看落便嗟
好拾殘英釀春酒暗香常此卮山家

燕來燕去語喃喃彈指江皋春已酣
檢點橫斜疏影句
幾人同向鏡中參

閩松巖煙夢渡西津詩率賦

忍寒又復客京華翹首南雲望轉賒
記得秋風江上路
一帆高挂卽天涯

水淨沙明月一彎晚潮回後渡頭閒
荻蒲兩岸空蕭颯
只有輕鷗任往還

昨宵有夢到江鄉約訪寒梅過野塘
指點吾家山一桁
孤雲辭岫漸茫茫

夢裏還家不當歸閒愁一枕雪霏微
琵琶頂直聲淒緊

瑞芝山房詩鈔

卷一

四

與汝蒼涼問曉暉

九日同舍弟理堂登錫山

契濶頻年抱苦心
竭來聊共此登臨
三秋易老楓先覺
九日剛逢菊可尋
白鳥翔回天路近
黃雲高下水鄉深
殷勤同把茱萸看
又聽孤鴻送遠音

細雨

細雨侵殘葉
闌風掠小樓
未
雜塞夢永憶鹿門
秋亂
草衰堪憫孤松翠
欲流誰家吹玉笛
淒斷入新愁

病鶴

自是蓬瀛侶
何堪衰病侵
蒙茸垂短翮
潦倒怯長吟
萬

里凌雲志三更警露心煩君勤護養不枉託芳林

輓鮑海明

百卉苦嚴霜長松有殊致如何冰雪姿一旦竟憔悴
啞樹上烏夜半聲悽咽哀哉反哺心從此永決絕玉樹
挺新枝輝光照閭里嗟彼老榦摧沈痛曷能已山川不
改移日月相迴薄失此斧藻才雲樹共寂寞悠悠身後
名不如一杯酒相與薦清尊吞聲復搔首

夏夜獨坐有懷

疏樹漏纖月兀坐延虛明微風颯然至暑退煩慮平豈
無綠玉簟愛此夜氣清零露被幽草下有促織鳴蕭瑟
瑞芝山房詩鈔卷一五
有秋意啾唧多苦聲美人在何許悠悠萬里情河漢渺
無極駕言願宵征時哉不我與感物徒屏營

立秋前一日羣從集倚山閣望月有詩次天錫韻
江雲迎夜薄山月逼秋圓此際流光遠伊誰得句先香
隨丹桂發影逐白沙旋莫謾歌商調吾生感歲年

杜鵑樓

林外啼鵑苦不休我來獨倚杜鵑樓數聲清磬山雲破
一樹奇葩劫火收閨苑只今應伴月僧居從古最宜秋
美人空憶良宵夢披拂松風與散愁

八公岩

林際散秋陰。南山轉蒼翠。一徑入松蘿。時有葉飄墜。僧
居傍高巖。綠篠自明媚。列坐淡無言。頗愜尋幽意。緬懷
淮南客。翛然謝情累。雲中雞犬鳴。天外儒仙萃。竭來此
地棲。水木餘森邃。桂樹幾叢生。幽岩綴香穉。秋山日夕
佳。秋風颯然至。何當築茅檐。林卧醒餘醉。

哭茗實伯兄

噉噉雲中雁。回翔向江滸。巖霜飛慘烈。一旦摧其羽。念
昔羣飛鳴。相看何栩栩。如何不相保。零落忽如雨。嗟我
同懷兄。慄爽鮮城府。少壯多辛勤。努力支門戶。行年且
六十。未免寄人廡。七載自孤棲。悠悠指淮浦。有時一暫
瑞芝山房詩鈔 卷一 六

見每恨多錯忤。我輩漸衰頽。安得常歡聚。兄顏如渥丹。
自應受天祐。如何不邁厲。乃卽委塵土。依人亦大都。詎
意至如許。一指鍼刺傷。痛必徹心膂。況此連理枝。那堪
縱斤斧。蒼蒼者彼天。欲問竟誰主。

烈女王仲姑詩 並序

烈女深陽人。太學生搗謙女也。許字陽湖吳嗣
璟嗣璟卒。訃聞女求往弔。弗許。乃佯爲愁。穉潛
服鉛粉及金珥。皆不死。兩投纆。輒爲婢解救。以
語恐婢不洩。尋再縊而死。時秋七月十日也。年
十有七。家人將謀合葬於吳鉛山。蔣編脩士銓

爲作傳昌平陳宮詹

詩爲辨其義余系以

詩

皎日堪明烈女心從容甘與劫灰沈鏡鸞無影家何在
灑水悠悠自古今

元鶴哀鳴丹旆懸定知紫玉不成煙他年人過鴛鴦塚
豈惹香中哭杜鵑

常州阻風

敗葦枯楊戰水南陽湖風過亂煙舍終宵雪意閤孤艇
半夜鐘聲出小庵擁被忽驚雙臂冷間途轉覺一心諳
迢遙旅雁飛還息露宿沙棲爾自甘

瑞芝山房詩鈔

卷一

七

湖州別家兄東亭

蘇潭曉月散寒輝槩打流澌客又歸惆悵雪飛姜被冷
一聲珍重淚沾衣

老至頻嗟相見難別時憐我客衣單春風彈指梅花發
好自巡檐一笑看

搖落

搖落悲身世棲遲感歲年一簾朝雨散雜樹曉鶯遷白
髮羞燈火青衫溼管絃空餘皮骨在耐此鬱蒸天

魯堂得歸悵然有作

一載春明夢辛勤共藥鏹憂來雙鬢改歸去一身輕寒

月懸帆影秋風落雁聲
長途蕭索甚多是淚縱橫
貧病知交盡團樂骨肉親
汝歸應命酒吾老怯依人
細雨追殘夢高秋損遠神
傳聞鄉國水比戶歎蕭晨

德州訊魯堂弟卽別

汝歸猶未得吾復偶來投
易別徒增感相逢那解憂
殷勤問眠食輾轉計金裘
灑淚嚴城下真成浪出遊

自開山抵泰安作

驅車乍登陟四圍山色開
磊砢相扶倚常恐車輪摧
杳嶂蔽風日寒水流其隈
古道循塗軌高下勢遭迴
有時得平衍遠望鬱崔嵬
鳥道孤雲過云亭安在哉

瑞芝山房詩鈔

卷一

八

茅店成小憩解鞍喚客餐
林酒苦味薄聊復敵朝寒
前途浩沙石散步循林巒
山橋容馬跡畝側存危欄
我車載脂轄搖鞭殊未安
望望山嵐紫蕭蕭霜葉丹

崩沙斷往路回車涉寒水
馬蹄踐薄冰溪流自泚泚
過橋跛陀滑改轍得新軌
是時晨星散朝曦射山背
蕭條數茅檐牆頽剩遺址
徒聞秋水盛奔騰盪山市
浩浩陵谷間居人盡遷徙
哀哉此窮黎惻愴風霜裏

疊嶂互青葱迤邐亘東國
走馬達高岡瞥然瞻岳色
嗟峨聳天中雲物盪胸臆
巍巍永作鎮可望未可卽

古短歌行

土牛不受鞭木馬抱空質歲月忽我適淒然向落日東
南多逝水終古入淮流馮夷與河伯浩蕩赴春愁春愁
載遠道靡靡催客老傷彼蕙蘭花不及原上草饑鳥半
夜啼春雨暮淒淒迷離一夢醒踟躕兩眉低燈花易零
落秋衫怯漸薄寒鳥聲啁啾四顧成蕭索蕭索益悲哀
展駕復遲迴孤蓬與斷梗飄泊委塵埃孤斟酌霜月回
首成芑忽眼底歲崢嶸又復懷明發煌煌東方星陽氣
破杳冥何當乘金虎駕言翔紫庭

岱廟漢柏

蛇腹龍文攫遠空千秋風雨護神宮天寒根擁沈雲黑
瑞芝山房詩鈔卷一 九

地閣枝撐落日紅玉女旗翻仙駕駐石壇苔長帝靈通

卷一

九

茂陵草樹成灰燼留得森森植大東

扶桑石

岱廟

扶桑一片石何日來廣殿海上天雞鳴應有紫雲見

望徠徠山

徠徠山色靄蒼蒼蜿蜒百里橫重岡合沓煙巒半隱秀
不與秦岱爭低昂上有長松百尺挺千載下有五汶之
水流湯湯竹溪林壑渺何處當年孔李恣相羊夜月空
山久寂寞幾人高逸還飛觴石家子姓聚村落先生往
矣直道彰茅茨水石互相映讀書臺圮蔓草荒寥寥古

風不可作儻然遠望青山長何日周行空翠裏煙霞踏
徧眉飛揚幽尋亦識非吾土雲山迴首俱茫茫

小村姪寓守歲

骨肉還相就甯惟童僕親椒花憐暮景斗酒慰勞人寒
盡一年事貧輕垂老身朝來和氣動好覩眼前春

門前

門前冠蓋路車馬紛交馳塵氛積面目各各營其私來
或從海角去卽向天涯大塊勞此生寒暑無遷移伊彼
關河柳年年發新枝草木本無情送迎又焉知

四野雞未鳴車聲已歷碌飢寒那復計暮晚始投宿達
瑞芝山房詩鈔 卷一 十

者盛意氣窮者自窘蹙人事判升沈天道擇所福棄孺
與題柱壯志酬素蓄而我念悠悠俯仰瞪老目
攘攘風塵近日以攪我心中夜羣動息天籟聞清音客
夢戀衾枕疏窗月半陰萬慮與之寂瑩然冰雪侵念彼
逝世客託跡必深林我亦何爲者常愧息影禽

夏日雜詩

玳魚不二寸在藻亦云樂噓沫水面行掉尾忽一躍物
自得所天詎必縱大壑我有濠上情炎風苦熏灼俯首
愧文鱗遐思慚野鶴止水無洪波相看意索莫
飄搖楊白花入水化爲萍春風憶昨日腐草復爲螢萍

隨洪波逝螢飛入疏櫺照我做羅幃遽然客夢醒流光
不可駐身世苦伶仃咄哉陶徵士徒歌影答形
冉冉南風吹歸夢不可逆橫空萬里雲奇峯疊暮碧巡
檐縱遠目慨彼多幻迹江水浩悠悠終古念行客竹樹
繞深居誰與永朝夕頽然坐小年百端自紛積

詠史

斗室苦炎熱兀坐百慮煎發言誰與賞乃復啟陳編天
道有代謝寒暑相推遷茫茫此世宙運會亦有然帝升
而王降邈矣爲古先自時雜王霸得失如火傳慨彼陶
彭澤緬想羲皇前涼風颯然至歧脚北窗眠閱情寄綿
瑞芝山房詩鈔 卷一 二

邈抗志出雲煙我心良憚暑俯仰愧斯賢

公子愛致客翩翩濁世中盈門列珠履四國競稱雄渺
矣處囊遂陋哉營窟馮夷門有老叟祇高俠烈風維彼
魯仲連矢懷蹈海東所貴天下士不欲爲苟同鴻鵠翔
千仞下視藐鴻蒙出處有際會君子守固窮

祖帳出都門二疏歸故里事業詎必論不殆惟知止緬
彼揚子雲名高一時士閉戶草太元六經自比擬尙白
誠足誇甯不在潔已如何仕莽朝投閣驚幾死文士噉
虛名千古穢青史流覽解嘲篇本志在金紫

東都重氣節奕世扇流風高名標俊及下士傾三公仙

舟羨李郭塾巾亦思工波靡良可笑激揚鮮折衷吾愛
牛醫兒雅量何冲融汪洋自千頃道勝非苟同卓彼三
高士著論名山中入紘張世網悠悠羨冥鴻

自古歎才難篤生良不偶獨怪三國時運會觀陽九聰
明特達流濟濟競驥首虎嘯而龍翔魏亦得其狗人思
繼管蕭非僅效奔走接踵互爭雄亘古誠未有其時雲
羅外尚有翱翔叟遼東著清節土室獨自守矯矯出羣
姿第一真不朽鄙夫華子魚如何堪與友揚推當時賢
此應屈其毋智名與勇功紛紛反覆手

銜杯騁清言竹林集名彥深衷各有託詎必皆荒宴如
瑞芝山房詩鈔卷一

三

何啜其醜遂令此風扇不知名教樂轉覺衣冠賤四維
既不張三靈倏已變江左有夷吾老亦醉鄉戀徒灑新
亭淚祇取三語掾自是沿六朝王謝風流擅流品矜門
第陸沈任字縣回首憶中朝還推名理善

古人亦有言多財爲患害况乃驕氣盈濟之以侈汰金
谷競豪華良明日高會危朝不自斂樂盛禍亦大乾沒
笑潘生文彩徒瞻靄白首果同歸身名委埃壘亮哉左
太冲縱心塵事外賦成招隱詩山林占道泰

吾愛陶士行分陰示當惜乘時著功勳老作八州伯吾
思劉越石矢願不克酬豈無才與智終作繞指柔丈夫

各有志成敗自天意小人計其功君子期徇義哀哉温
太真牽裾爾何人功名非不願俯仰愧天倫

紇庫筆似錐斜律名類屋勇畧不世出豈必善書牘南
朝壇文辭騷壇競追逐謝朓刑于妻沈約鬼刺腹始知
士無行徒焉富卷軸倉頡始作字哀哀鬼夜哭燔書愚
黔首安知不是福一斗才何爲不如凡草木

帷幄運籌策子房始封留功成乃辟穀願從赤松遊智
士必勇決善退在急流豈必鑿韓彭永懷爲身謀吾怪
李長源奇功孰與侔白衣贊王業再造唐皇州臨組不
肯練長揖歸林邱如何不終隱下僚復沈浮聞昔富春
瑞芝山房詩鈔

卷一

七

江有客披羊裘豈曰非帝舊客星耿千秋

春老奉誠園風吹杏花落華屋與山邱同焉歸寂寞唐
室再造功豈惟推李郭如何不數世名徒在麟閣喬木
不改陰漢恩終自薄甯怪陸敬輿投荒迹幾削

士苟不自重失足徒自傷嗟哉八司馬年少憐疏狂因
緣罹禍患紛紛投炎荒沈憂促年壽意氣空激昂柳州
晚自悔釋躁著文章窮愁始立說才命果相妨人生克
恬退養德名自揚運會適然耳何必較巖廊賈生豈不
遇終乃在沅湘馮公誠達者白首甘爲郎

五季世紛紛道衰廉恥喪草澤覬風雲廝養忽將相豈

無衣冠流自思忠所向奔走各一方固難語高尚獨怪
長樂老四朝擅雅望甯非學中人居然自敘狀吾思王
鐵槍委身誠孟浪日本不識丁勇決獨用壯至今大河
濱兒女尙歌唱悠悠千載下懦夫神爲王

圭璧本足珍微瑕卽爲累士論要始終賢者多責備惜
哉王子明不語天書僞晚節爲利回符使充其位君子
重名節小人工側媚如何賢達流末路自失墜本懷既
不伸賢路自當避稽實定名稱豈不滋悲媿

馬融名爲儒絳帳列聲色身附權貴門心智久迷惑小
宋負盛名載筆領史職蘭燭照華堂紅妝夜盈側忍寒

瑞芝山房詩鈔

卷一

十四

卻半臂風流誠自得寄言謝哲兄終見鄙有識聖賢豈
無情但恐累盛德所以士立身往往必自克縱欲必喪
真行業端所植爲語諸少年毋爲笑謹飭

安石性堅僻豈惟不近情紛紛未曉事激之禍益成晚
念福建子已爲悞此生動悔遲不悔千載遺惡名

蜀洛多正人乃自相水火遂令門戶成構此黨錮禍迂
儒不通變志行亦偏頗高論或有端措施豈定可獨怪
司馬公公忠矢無我目之爲黨魁何況此瑣瑣調停思
靖國國是竟誰荷相激自相殘安民成碩果

我昔過臨安湖山好風景肅衣拜岳墳猶覺精英耿金

牌去中原銀瓶墜深井半壁自偷安回首風煙冷十里
泛波光三春弄花影想昔韓蘄王蹇驢此遊騁惜惜半
閒堂巍巍葛仙嶺秋風蟋蟀吟屢朝人不省

方中而大眼自詡學道人高談必性命甯辨偽與真舉
世方多難士貴節氣伸慷慨王霸略吾愛辛與陳高歌
擊長劍酒酣氣益振壯志卽未騁所異迂腐倫

功名須才略忠孝本性天抗懷此世宙士每難求全偉
哉馮氏婦生長在窮邊出身握旌節巾幗坐戎旃忠貞
克世篤大義薄雲煙一方賴莫久懋績著簡編吳公帥
西蜀戰功千載傳弟兄能濟美豈不稱英賢奈何不數
瑞芝山房詩鈔卷一
世遠爲人所憐懿彼閩闈彥功勲勒燕然

游上方山

飄渺孤峯矗凌虛可摘星秋餘萬象寂天入一痕青幽
鳥愁雲路山僧閉草亭何當振衣上長嘯破蒼冥

摘星
砒在

西峯

秋筇

粘天衰草白壓樹野煙青古戍喧笳吹哀音動杳冥馬
嘶懷落月雁唳掠殘星遷客重回首悲風滿障亭

蒜山漁者歌和鮑雅堂舍人

清江一曲橫雲樹浮玉山前舊樵路煙鬟依約媚蒼波

一聲晚唱西津渡，呂師網挂夕陽斜。滿眼風波興自賒，
槎頭魚換京口酒。中冷水煮攝山茶，輕舟來往沙鷗送。
臥穩艤邊聽鳥哢，漁山樵水足生涯。寥落江天繫清夢，
怪君簪筆入黃扉。清歌忽放半懷歸，我是山中老樵客。
春波浩蕩憶漁磯。

壬辰守歲同人用韻

爆竹催年去，還憑燈火親。杯傾殘臘酒，簪合故鄉人。
寥落平生事，崢嶸一介身。劇談欣此夕，梅柳又江春。

晚春同杜坡仙陳虛齋盛秋水遊崇善寺次韻

率意攜朋好，幽尋塵壤間。慈雲低古剎，霽色媚遙山。
鳥瑞芝山房詩鈔卷一
六
夢一時靜松枝盡日閒，相憐遊興懶風雨送春還。

古柏

昔游泰山麓，天齊廟宇氣森肅。中有漢柏與唐槐，斑駁
杈枒眩人目。今來汾水西，九株柏樹青雲齊。秦耶漢耶
不可問，但聞幽鳥啁晰枝。上啼蛟螭偃蹇蟠，水側龍虎
騰拳撐紫極。半死半生煙霧蒙，根株豈畏蘚苔蝕。欽崎
厯落吁可哈，夜深定許驅風雷。山水精靈自千古，何必
身充梁棟材。

將之五臺朱方伯南厓同年贈詩二章次韻奉酬
窮鳥竟何託，棲棲失故林。春風吹短羽，日暮啣哀音。雲

山自脩阻所企在德歆世載幾半面一顧成千金拂拭
勞塵鞅整此牙生琴汾流浩清夜緣以結素心
蓬遊亦已倦此行忌艱險蓮幕晝初長開軒安枕簟草
草一心勞惜惜雙目睽片石指清涼高臺雲霧斂般若
有真源業風吹夢颭要當懺生平文章歛氣燄

禪亭紀事

天地有變幻虎而爲蛾眉居然偕伉儷婉婉居房帷兒
女儼在抱夫婦相追隨一朝歸故土長嘯望山陲皮毛
竟何有窺井心含悲猛氣欲咆哮靈威幸未虧翻然還
本質去去從此辭維夫及子女攀崖呼且追澗壑同併

瑞芝山房詩鈔

卷一

七

命殘魂逐曉吹我來問土俗圖書儼可窺千秋列廟食
遺事載口碑慨彼涉荒怪物理或可推大人矜虎變出
入揚光儀不用乃爲鼠轉工諧媚姿抑有虎而冠噬人
不自疑豈必異族類談笑皆傾危彼皆婦人耳習性良
不移茲虎乘氣化作婦嫁崔奇夙世締姻好卜載明恩
私雖復返其本甯忌愛與慈相將與同穴冥漠非無知
虎自具人質人非蒙虎皮人虎不易判世路多險巇驛
樓苦秋雨援筆綴此辭

春雨旣晴得句

旭日開晴色園林新綠滋巢空鳩喚急泥重燕飛遲好

夢牽芳草輕寒耿客思一犁霑被足人望慶東苗
乍喜苔痕上還憐柳半垂薄雲籠遠岫新水入方池鳥
散窗光靜風過簾影欹江皋花月好誰伴倒深卮

春宵獨坐

高窗寂寂響春陰披卷微吟夜欲深燈影漸昏憐倦客
漏聲乍轉惜驚禽花飛小苑歌應歇草滿迴塘夢自尋
一片溼雲千萬里月痕何處逗青林

倦吟

和煙和雨柳珍珍鶯燕匆匆花事酣客散酒醺簾影靜
困人天氣憶江南

瑞芝山房詩鈔

卷一

六

除夕偕諸子用韻

把酒懷聊放論文情轉親殘年多病客七載越鄉人爆
竹催今夕爐香伴此身相留成絮語桃李在芳春

正月三日郊行

開歲哉生明肩輿向郊野積雪明村墟輕煙出僧社丹
水薄冰封紫峯孤鳥下天上春未來人間歡猶寡羈孤
閱歲年誰是知音者循例相往還問鄰貨車馬久客憐
敝裘禦寒仗杯斝荒荒日影微擁鼻自披寫

憶昔值上春探梅過道院朋好兩三人春蔬佐文醺棋
聲出松牖幡影落芳甸江皋景物妍遊覽日常遍豈無

殘雪光卻有微和扇七載歎萍踪此樂夢徒戀太行山
色低樹樹綴餘霞我行那無謂寒輝撲塵面

春月

露下塵氛淨春宵月倍明江花徒有夢陌柳自無情空
水留蟾影千山息鳥聲年來孤迴意愁與計虧盈

九日彭口

習習微風送客行湖光如練野雲平青山舊負登高約
碧樹新添落葉聲鷺宿自依寒浦淨雁飛猶帶夜霜明
一杯酒醒東籬夢閒倚蓬窗感易生

落花

瑞芝山房詩鈔

卷一

五

一夜淒風紅雨飛芳心在自託斜暉小樓客散鷺啼歇
簾影參差綠已肥

冥冥小苑向黃昏點逗蒼苔襯展痕新燕啄泥霑片片
畫梁高處寄芳魂

泣露愁煙取次消飄零猶自寄蘭若等閒留得春風面
笑殺楊枝鬪細腰

仙源幾曲溯流長春水漪漪遠泛香何處亂紅飛不盡
殷勤好與賺劉郎

九月三日攜子姪閒步陶然亭漫興

秋日杲杲秋天高秋風乍起聲蕭騷長安車馬自雜沓

場來杖履攜兒曹葭蒼葦白折莎徑孤亭欄檻聳神皋
野鳥不譁人語寂但聞早雁嘹唳下空濠四望蒼山重
疊千萬丈嵐收雲斂藏青猱那得仙人將我去芒鞋絕
頂恣嬉敖秋懷不可抑秋草憐青袍臨水登山悲者宋
菊花酒釀樂哉陶古人若可作短髮徒自搔日暮蒼茫
相挈返蕭蕭落葉踏周遭何當歸去秋江上白沙翠竹
水一篙招尋釣侶呼汝輩玉山共倚持霜螯

中秋夜酒後用韻

秋色平分夜蒼雲接晚煙美人渺何處明月隱遙天歌

管酬勞客

是日觀劇

盤飧是別筵

張月舫將歸里

酒殘燈影散一笑

瑞芝山房詩鈔

卷一

十一

意茫然

九日步過夕照寺觀王平圃陳壽山書畫壁

高秋風靜標晨霞皎日明麗暄晴沙沿綠積水踏莎徑
蒼茫蘆葦飛白花登高作賦寡儔侶獨攜竹杖來僧家
叩門不欲驚宿大啟關早見分寒葩鐘魚寂靜松雲暖
塵氛既遠鳥不譁登堂忽若風雨至五株鐵榦枝杈呀
元氣淋漓溼粉壁縱橫萬里走龍蛇回頭右顧決目眦
龍跳虎卧爭紛拏由來王氏擅書法此公直似奮鐵搗
昔觀泰嶽摩崖字奔泉渴驥古所誇靈祠秦樹聳千尺
陰森千載被幽遐場來此堂觀二妙令我徒倚益嘆嗟

憶當壯歲此借榻紙窗破壁時塗鴉庭松不改當年色
舊題漫滅誰籠紗二公所作足千古想見磅礴興自賒
佛燈永照鬼神護定知不許粘苔蝸幾載禪關傳勝跡
故應好事屢停車我來坐久未忍去疏林漏處殘陽斜

花朝晚偶成

今夕是何夕初昏月未斜
澆愁憑魯酒索笑憶江花
別苑清歌歇高樓翠幙遮
晚風吹客夢春色在天涯
頻年嗟潦倒差喜入春朝
日下風雲會人間冰雪消
佳辰徒晚晚良夜莫迢迢
冥冥鶯聲覺晴光認柳條

喜趙秋澄過訪

瑞芝山房詩鈔

卷一

三

酸風吹靈鵲叫跳鄰樹枝掩關積煩慮側耳增愁思
有客忽款問乍見驚且疑把手復拭目幾忘君是誰
凝神互端相喜極翻共悲頭童齒已豁顏色俱變衰
相違三十載相念天一涯音書久濶絕行藏兩不知
促坐暫披寫莫禁淚交垂寒輝轉寥廓暮景真淒其

朔雁聲哀斷單飛失行次豈無稻粱謀莫遂平生
意憶從髫鬢年連翩互游嬉中道俱凋零念之增悲
淚我老剩隻身君徒攜阿季海角與天涯難尋立
錐地無食嗟甌空有官亦匏繫望望故山遙棲棲
室家累

人生非鹿豕聚首良亦難四海遙相望所企振風翰詎

知三十載冉冉兩鬢殘相逢自足喜毋作夢中看
勵心志清言傾肺肝時哉非可強義命誠足安我
本
疏拙長此一燈寒祇覺鼎可愛甯悔智未殫君非碌碌
者努力且加餐陽春旋布澤聊復暫盤桓

節近重陽陰雲不展客窗蕭寂得句卽書語意無
倫聊以自遣

漠漠雲偏重啞啞鳥自啼幾年諳冀北萬里憶橋西水
冷舟堪繫山高酒可攜吾生負印壑風雨任淒迷

蕭瑟催人老端居憶舊遊登高能作賦把酒足忘憂明
月徒思友黃花自作秋年年聽征雁嘹唳不勝愁

瑞芝山房詩鈔

卷一

三

幾載拋殘夢連宵悵客心雲羅愁雁影霜信逼鄰砧徒
憶青霞迥難忘白髮侵擁衾燈火暗四壁送哀音

謾說登高會凋零幾歲年把萸勞獨夢聽雨憶同眠暮
景殘陽外秋心野水邊挑鐙對孤影萬事任推遷

癸卯浙闈分校

巖更歷歷聽高樓翹首長空暮靄浮萬里風雲昭白日
一天星斗煥清秋湖峯秀結東南美珠玉光騰羅網收
山到浙西看不盡文章從古應奎婁

歲暮自鳴鶴至固陵

乘潮夜鼓棹清江指曹娥行行爭問渡海若無洪波颿

風覺輕駛崖岫徒嗟峨欲問幼婦詞豐碑久消磨連宵
苦雨雪茲辰喜晴和一往山陰道扁舟如輕梭野鳥戀
積水幽鳥鳴高柯何時訪名勝竹樹與婆娑

癸卯除夕用韻

今夕官河曲依然僮僕親低眉思舊事婪尾憶鄉人自
惜長愁病誰憐薄宦身孤檠相對永已度一宵春

揚州有懷

平山堂外古梅花煙月曾探開士家一局殘棋清話歇
旋添爐火自烹茶

竹西詞客擅風流猶記京華載酒遊二紀雲山魚雁杳

瑞芝山房詩鈔

卷一

三

空餘詩卷篋中留

酒酣斫地有王郎一曲哀歌淚萬行落拓此身應漸老
繁華叢裏恨偏長

紅橋西畔蕩輕舟聽徹雙鬟作意謳舊夢依稀三十載
只今春水載春流

鳴鶴山

豈有飛鳴勢千秋峙海疆峻嶒餘瘦骨遼落絕平岡古
寺鐘猶響

山之陽金仙
寺梁時建

亭空鳥自翔

頂有亭
名抑洪

最憐巖畔

樹孤影鬪風霜

曉亭畫松歌

我見南田畫古松三株天矯如虬龍自云天台石橋畔
夜深煙月常朦朧又見壽山寫粉壁五株慙落脂欲滴
至今夕照影空濛根蟠不畏蘚苔溼幾年遠別京華春
場來每憶墨痕新不意得君忽放手霜皮黛色得其真
人生學業不可度卅載交遊非淡泊良賈深藏今始知
莫歎古人不復作溽暑行消暮雨晴松風拂拂指間生
庭前老柏自愉悅高枝掩映影縱橫

戴紀

字理堂號肇脩附生三禮館校錄官江蘇金匱縣主簿以子三錫官四川總督贈如其官按

理堂公詩無專稿茲於其元孫興元家藏殘稿中檢出數首謹錄其一以存手澤云

九日送渭川兄南歸

瑞芝山房詩鈔

卷一

五

秋氣侵人冷英雄志每違壯年驚落齒長夜歎單衣霜
重黃花瘦風寒蟻炬微孤雲常在北徒羨雁南飛

瑞芝山房詩鈔卷二

戴錕

字光斗號雙溪一號箕坡乾隆庚辰舉人截取知縣詩入京江耆舊集

訪冶村蓮士不遇猛雨驟至阻宿齋中

秋風弄竹如碎璧秋雨洗蕉色逾碧我溯秋水從所思
展印苔痕添齒跡掀簾不見瀛洲仙案頭惟有詩囊懸
一字一珠皆照乘綠藜之光上燭天天上神龍戲相逐
黑雲一片壓茅屋窗間出沒走金蛇階下縱橫植銀竹
見太白詩前溪水漲不可渡阻君不歸留我住為君留我君
不知明日君歸我已去

戴高

字孟起號夢溪陸生詩入京江耆舊集

瑞芝山房詩鈔

卷二

晚過田家鎮

水落雲千丈山環碧四圍人從平野渡鳥帶夕陽歸帆
影遲魚火炊煙動竹扉欲尋前路去風涌浪花飛

戴儀

和字玉溪監生著焚餘草詩入京江耆舊集

客廣陵寄殷曙堂

相離無百里相望若天涯有約歸心迫多情旅况賒
殘燈孤客夢疏雨故園花為抱離羣感南樓倚月斜

漢口答梁罕卿見問

天高江濶雁悠悠雲物淒清水自流萬里蓬飄徒作客
千山木落獨經秋銷磨志氣劉伶醉潦倒功名杜甫愁

廿載風霜頭盡白。夢魂常繞舊林邱。

戴天錫

字巨來號松巖附生翰林院四庫館校錄官廣西象州吏目著聽松軒吟草初二集管幹

珍張曾敬朱梓序按松巖公客都門久嘗從王

夢樓先生游與朱懷亭吳咏堂陳蕓溪以詩學相

砥礪張樞亭評其詩灑然以清淵然以和於五

言尤工有襄陽柳州風韻詩入京江耆舊集

彌羅閣曉望

一雨洗殘夢涼生高閣清山如僧骨瘦雲比客身輕
曉色散無迹秋風聚有聲吟邊幽興迴千里碧煙橫

秋草次王夢樓夫子韻

赤欄橋外水潺潺殘翠低迷一眺間荒渚愁生三峽暮

斜陽寒入六朝山天涯是處隨人遠庭際無多伴客閒

瑞芝山房詩鈔

卷二

二

莫向王孫歌此曲西風憔悴幾時還

○雜詩

翹首萬籟寂思古賢豪儂叱咤生雄風談笑取王侯男

兒重故恩一飯千金酬紛爭楚漢間方遺胯下羞

儒生束髮時讀書務章句白首尚啾啾廢棄等匏瓠入

無僧石儲出有室家顧百事之一成面目每自惡著書

身後名身去名何處

池上晚步

雨過暮天淨孤村夕照銜沙邊來白鳥柳外出蒼岳
鄉思濃於酒波光碧似衫幾年別瓜步乘興憶揚帆

恆平三三三

西山道中

疏閒成夙志勝地得登尋山起疑無路雲藏尚有林暮
鐘蕭寺近去雁夕陽深俯仰偕真趣塵驅悔自今

過磨石口

陡壁忽在面窄徑誰所穿崩劣兩崖開一線分青天行
人若凍蟻驅馬不能前亂石苦崎嶇有似蜀道懸回首
已千尺半山未及全出峽路稍曠中心始坦然仰觀春
色佳景物相新鮮歸雲淡遠岫早麥抽平田我懷志岩
壑塵累何時捐日暮問村齋僕夫指炊煙

題山齋壁上

瑞芝山房詩鈔

卷二

三

小窗羣岫寂古木鬱重陰偶值烟霞侶因諧山水心鳥
鳴空翠裏人語夕陽深兀坐忘機事匡牀獨抱琴

中秋前二夕獨酌憶兄夢溪

皎月尊前近涼風別後愁憑欄聲在樹南望到家不節
序渾如夢雲山各自秋知兄最淒絕獨上玩江樓

留別朱懷亭孝廉卽用寶邨見懷原韻

相見又言別沈思感慨中六年淹冀北三載憶江東

懷亭

於癸未南旋
今二載矣酒社春苔綠僧樓夕照紅昔時幾昆季寥

落只君同

歸次淮陰

扁舟如夢乍醒時六載鄉心感別離晚葉黃遮官渡口
夕陽紅颭酒家旗風塵獨弔韓侯廟貧賤重過漂母祠
屈指故園應不遠計程一月尙遲遲

鶴林寺贈超凡禪人二首

支公脩最上相遇古禪林行脚撥雲任題詩愛客尋泉

分秋草冷

寄奴泉

樓鎖夕陽深

杜鵑樓

坦步探遺跡長松風

滿襟

我亦如雲影飄流歲月多幾回思在昔今日得重過古
竹林逾茂殘碑字已磨浮生何處著深夜叩維摩

擬古

瑞芝山房詩鈔

卷二

四

生無諧俗志與世成方圓齷齪衆所習昂藏衆所捐鳥
獸非吾曹金玉終雕鏤嗟哉善鍛生晚愧蘇門仙豈昧
和光理賦性難自倏暢懷飲醇酌醪酊混媮妍但恐醉
後誤復受醒者鞭

揚州逢王瘦生約遊平山堂歸飲舟中卽席贈別
送君長安道逢君廣陵城把袂但嗟歎倏忽三年成自
君久羈此我亦滯燕京貧賤不自貶依人令身輕新知
雖云樂舊雨多至情秋光不可負扁舟邀我行夾岸圍
林接畫景迭變更亭臺駐夕陽衆綠寂無聲登高尋勝
跡堂開萬象呈俯視煙濛濛當檻遠山平徙倚獲真趣

佳境難爲名訪古思前賢棧道松風鳴良會晝易短返
棹月華明月明重話舊停杯百感生憶昔荆高市一笑
肝膽傾雪夜聯長句花時醉巨觥落筆天機到高歌客
座驚流萍悲聚散南北各孤征攀留惟須臾又苦別懷
縈君其慎飢寒吾將促歸程

晚眺循池上吟歸道院

爲愛雲山色歸來日已殘浮居家卽寺羈絆客如官夜
雨添林葉春塘平釣竿豪情殊未歇料理酒杯寬

戊子悼亡二首

舊夢重尋倍愴然迢迢南北隔塵緣麝沈金鴨春風暖

瑞芝山房詩鈔

卷二

五

庭鎖梅花夜月圓含淚別時成永訣耐寒私願竟空懸
只因未定安巢計兩到京華已六年

欹枕飛來雨更風驚殘百慮總成空幾多往事孤燈裏
無限傷心八載中誰信韋皋常落瓠自慚王濬尙飄蓬
蕭齋回首真如醉隱几淒涼聽斷鴻

夏夜雜興

炎暑氣酷烈輾轉不能寢濯手揮素紈滌煩煩愈甚憶
昔泛清江六月怯寒凜歲月如逝波於今又幾稔鰥鰥
此孤悽瘦矣東陽沈

芄芄牆上草羅羅階下樹相映綠參差旦夕滋零露榮

悴各有時盛顏難再駐所悲託根淺甯必乏調護幽澗
植短松偃蹇竟誰顧卓然霜雪中亭亭當歲暮

顧影憐薄祐八歲失慈母垂髫志四方南北苦奔走白
雲望親舍迢遞在官守菽水易承歡天倫樂自有富貴
欲何爲寂寞嗙身後風塵事易非而日常蒙垢妻死兒
復殤愴然更誰咎

九月十四夜

一輪秋欲老此夕御團欒夜久霜欺客庭空月礙闌柝
聲連巷動風色滿城寒伏枕勞清夢鄉關路渺漫

月夜同朱懷亭

瑞芝山房詩鈔

卷二

六

良宵不可寐月影正當帷北望千山靜南飛一雁遲寒
生霜樹曉清絕玉樓思莫問羈棲事忘情足破癡

雨後漫興次家伯蓴浦韻二首

連朝晴復雨無定任炎涼惜墨驅蠅疾忘機夢蝶長有
生皆是客何處不爲鄉獨酌蕭齋靜浮瓜薄醉嘗

葉上片雲去元蟬次第鳴荷池香欲泛苔徑綠初成橫
笛吹秋意疏鐘動遠情晚來長簟卷窗月又新晴

雨窗雜興

小爐細細爇香芸隔院疏鐘入夜聞蕉雨滴殘蝴蝶夢
那知殘夢更成雲

故人星散信俱沈
酒市僧樓不可尋
七字裁成鴻雁杳
夕陽南浦碧雲深

名山有約興難乘
猶記秋高萬象澄
攜屐菊花時節近
白雲紅樹一層層

家兄小村讀書夕照寺二首

獨於冠蓋地結得靜因緣
寺暮秋煙裏人吟夕照邊
斷雲浮遠岫征雁畫高天
不到尋僧路沈思又五年
離家還索處相見轉淒然
萬卷城堪擁三冬硯欲穿
寒威晴後甚清吹晚來偏
無那荒郊月含霜向客圓

啜飲盡歡圖爲安榆村孝廉作

瑞芝山房詩鈔

卷二

七

丈夫志四方龍睇而虎步
上有父母存往往憂內顧
壁立難爲懷慨焉就長路
風塵多變遷生涯同落瓠
欲歸未可歸欲渡不能渡
出門就歧途咄嗟違其素
先生人中豪飢驅樂如故
行行奉巖親杖履侍朝暮
朝望粵東雲暮吟江左樹
每逢名勝地優游卽小住
筍蕨進壽觴山川領真趣
憶別六年餘京華復相遇
堂上仰丰儀養德盛顏駐
色笑日承歡依依終身慕
庭除樂未央旭日爲延仁
茗醞臨春風盈盈湛春露
誰歟遠遊人名場愧馳騫

題汪蒼巖早閒軒詩卷應 禮王教

慷慨生平懷所遭，早閒因得遂。鳴高關山萬里歸，吟卷
事業千秋付濁醪。達士自能行患難，庸材原不敢牢騷。
梁園此日追前輩，猶見當年意氣豪。

歲暮詠懷

得意數當年，清遊繞夢邊。九峯爭入座，三泖直平天。
芳草攜雲屐，丹楓上釣船。豪情消欲盡，回首一淒然。
白社蕭條甚，長安聚散輕。巡簷飢雀噪，覓句暮山橫。
雲影相望冷，溪光獨自清。由來冠蓋地，棋局易紛更。

憶舊遊東衛訥旃

萬籟入耳心悠悠，蟲聲葉聲天宇秋。底事中來不可斷

瑞芝山房詩鈔

卷二

八

吳淞江頭憶昨遊，布帆高挂入寒煙。十載扁舟孰往還，
丹楓半染山骨瘦。金粟初開月魄圓，五湖舊有詞人宅。
昔日相過君遠適，我今飄泊無定期。君亦羈棲久作客，
客貧到骨興逾豪。無錢有酒便揮毫，座上王侯輕不顧。
才名直與青雲高，長安握手何太遲。恨不相逢未客時，
翦燭待君談徹夜。鱸美秋江知不知。

寄懷家伯萼浦二首

十年瓢笠逐西風，世事浮雲一醉中。德不加脩人老大，

阿咸今日愧江東。

江東誰似阿咸超昔吳跡堂
題拙卷後兼寄家伯之句

送別金臺歲又徂，計程此日在姑蘇。夜深心逐南飛雁，

何事春來隻字無

雜詩

絕世有佳人蕙心而蘭質託身薄情郎舉動遭呵叱顧
影惜春華無言守終日婉婉敬毋違十年貞悔失悲悼
結中腸欲噫不敢出

江月皓高樓樓中思婦愁昔時雙姊妹既嫁判沈浮姊
如天上月妾如浪裏舟月華圓更足舟勢蕩難收相思
莫相見徒貽阿姊羞

槐蔭軒夜坐

婆娑槐影獨盤桓懷抱空嗟漏欲闌皓露著花幽色改

瑞芝山房詩鈔

卷二

九

碧天過雁暮秋殘檐低卻好能延月酒薄翻嫌不耐寒
今夕故園風景好可知誰倚曲闌干

新柳

微風吹徧色初勻澹澹鶯黃不任春有眼應添今歲恨
多情猶怯去年塵輕煙漠漠籠花徑細雨霏霏護草茵
枉自臨歧相折贈從來無力綰離人

清音閣春宴應

禮王教

新雨園林足開筵煥物華風微低燕子日煖放桃花綠
靜羣峯暗青敷曲徑斜勝游兼感遇既醉興還賒

聞雁次宋小巖太史韻二首

爾亦何爲者風塵苦不休幾回人欲別又是雁橫秋天
潤雲垂野霜寒月浸樓五湖煙景好翻笑容淹留

夢觸十年事愁爲萬里情可憐南北望空逐往來聲樓
閣夕陽滿關山秋氣生故園如有信早晚達蘇卿

卧雲室遺懷

蒼茫薄暮重徘徊萬疊寒雲慘不開深樹欲秋黃落葉
斷階經雨碧生苔壯懷半向風塵減客館渾忘歲月催
卻憶大江煙景濶幾時孤棹亂峯堆

九月既望衛訥旃同吳穀人顧星橋冒雨訪菊集

寓齋分賦

瑞芝山房詩鈔

卷二

十

閉門芳氣深妙趣客先解屐聲不速來取醉十千買花
事展重陽細雨斜風擺本以高潔姿因之更瀟灑食指
指江南江南正肥蟹

留別紫眉十二弟

十年今日出長安漠漠同雲望眼寒急節如馳嗟道遠
壯懷似夢值宵殘經多但覺生悲易住久翻教欲別難
失意去留皆勉強更無他語只加餐

晤家兄夢溪

一回聚首一回難情況相同拭淚看慷慨半生嗟赤手
毋語今日誤儒冠旋蓬落瓠身何託飛電飄風歲又闌

只有江山依舊好放懷莫負酒杯寬

戊戌悼亡四首

返魂何處問神仙又結今生不了緣蛇足纔添春夢覺
教人長此恨綿綿

一年相聚豈無因德性齊誇慣苦辛我固不材卿竟去
傷心都是未完人

南來春暮共遷移相見剛成兩月期先事叮嗔情不盡
分明死別是生離

抱病猶憐家事稠從今誰共我分憂粧臺觀物皆成淚
剩粉餘香滿鏡秋

瑞芝山房詩鈔

卷二

十一

秋海棠

誰將輕粉著秋枝裊裊虛窗倩護持淚灑西風人去後
花開細雨雁來時淒清小苑蛩聲咽冷落閒階月影遲
莫道深閨腸易斷珠鈿零亂悵情思

重晤朱懷亭卽用見示原韻

浮雲迷倦鳥飛飛思舊林寒月入蕭齋明明照客心束
髮誤儒冠志氣薄纓簪貧賤不能移富貴胡能淫結交
結肝膽豪邁秋山岑放懷詩酒間歡笑達曉參無端遠
離別君鳴萬里琴獨我人羈此遐哉金玉音一朝重聚
首晨夕得追尋追尋失顏色風霜幾度禁守株歎雞肋

七載猶浮沈辛勤燕營室跼踏魚在鬻何處覓牛衣中
宵泣涕淋同學自輕肥欲語頻酌斟人面分高低望望
憂難任疏頑愧讀書率性有清襟相見日以稀相期日
以深願言保終始毋爲白頭吟

灤陽雜詠

苔階薜壁綠生煙午睡清芬繞夢邊最是一番新雨過
庭花幽靜更娟娟

垂柳沿溪亂夕陽蟬聲高下自宮商掩關不礙青山色
四面煙巒屋角涼

桂林冬暮

瑞芝山房詩鈔

卷二

三

桂嶺三冬盡羈棲喚奈何天涯親舊少客館雨風多濁
酒攻愁陣殘編鍊睡魔崢嶸驚去日欲借魯陽戈

龍門增馬齒九轉不成丹

余九應順天鄉試

倏忽年華積崎嶇

世路難半生心未已此日夢方闌僕僕胡爲者藏身笑
一官

幾載朱門客粗疏禮數忘綠雲

禮部堂名

春授簡曲水

亭名夜

飛觴雨過圖書潤花開几席香遭逢良不偶高詠笑詩
狂

同心多索處寥落更相關燕市風塵裏吳門山水間琴
焚人已杳金盡士無顏憶舊皆陳跡紛紛脫葉殷

朱青雷州司馬曾仕粵西詩以誌感

夢想誰期此地遊酒杯詩卷憶同儔聲名籍甚人何在
山自青青水自流

舊時前席數鄒枚

余與青雷同
事禮邸六年

宦跡重題幾湖洞今日

粵西懷故友才華誰得似青雷

舟宿三灘

萬籟紛投夜轉長停舟又聽水湯湯春深細雨蛙成市
夢裏還疑是故鄉

綠珠江

匹練澄清一廟孤此間生長記名姝當年金玉空貽害

瑞芝山房詩鈔

卷二

三

報主捐軀只綠珠

友松圖爲博白令孔蔚廬先生壽

蒼髯真勝友賞心遂忘形人生滿結交耐久幾曾經惟
此後彫者相見常青青屯雲一千尺清風灑餘馨可以
致霖雨可以沾生靈願言獻壽觴如松臻脩齡

題囊琴圖

在昔陶彭澤無絃空有琴何如存色相囊琴寫意深不
彈得治理欲鼓俟知音松下薰風來天籟豁胸襟盤桓
坐忘機悠然太古心

舟中雜詠

舟行淹久竟如家不覺春分感物華二月岸邊紅似錦
麗江開徧木棉花

伏波功績著邊藩處處祠堂永弗諼南粵地連交趾近

至今銅柱立中原

在憑祥州之東南

庚申九日

風吹烏帽鬢華新異域初逢九九辰蔓草盈階焉有菊
密雲迷野獨懷人登高怪石周遭路酌酒閒衙自在身
卻喜年豐農事畢負禾來往看居民

題八大山人畫雁

山人畫雁類有四飛鳴宿食得其致此幅不飛亦不鳴

瑞芝山房詩鈔

卷二

十四

孑然片影立如植萬里衡陽回雁峯何如百粵邊之至
一生胡乃稻梁謀披圖觸起羈棲思



